



**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001  
RAČUN: 3387302205238447, UniCredit banka d.d. Mostar, BiH

| Vrsta dok. | Izdavač     |
|------------|-------------|
| <b>DOP</b> | <b>5 01</b> |

Strana:  
1 od 1

Broj protokola:

051-25-1-280-51/25

JAVNO

**DATUM:** 09.07.2025. god.

**PRIMALAC:** FESTA d.o.o. Kraševo - Tešanj

**PREDMET:** Obavijest o izboru ponuđača u postupku nabavke: Servis motornih vrata proizvođača HOERMANN

**VEZA:**

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku: Servis motornih vrata proizvođača HOERMANN, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena vaša ponuda.

S poštovanjem,

v.d. DIREKTOR-a

Sanin Ramezić

**DOSTAVLJENO:**

1. Ponuđaču
2. Upravi Društva
3. Sektoru za administrativnu podršku
4. a/a



|                   | Tel                     | Fax               | E-mail                        |
|-------------------|-------------------------|-------------------|-------------------------------|
| INFORMACIJE       | +387/ 33/ 289 100       | +387/ 33/ 289 356 | info@sarajevo-airport.ba      |
| DIREKCIJA         | +387/ 33/ 289 200       | +387/ 33/ 289 201 | direkcija@sarajevo-airport.ba |
| OPERATIVNI CENTAR | +387/ 33/ 289 120       | +387/ 33/ 766 841 | opoc@sarajevo-airport.ba      |
| WEB               | www.sarajevo-airport.ba |                   |                               |

**U P R A V A**

Strana: 1 od 2

Broj protokola:

*05-1-25-1-280-50/25*

JAVNO

**Datum:** 08.07.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom „SARAJEVO“ d.o.o. Sarajevo, te Izvještaja i preporuke Komisije za provođenje postupka javne nabavke robe: Servis motornih vrata proizvođača HOERMANN, broj: 05-3-25-1-280-49/25 od 30.06.2025. god., Uprava J.P. Međunarodni aerodrom „SARAJEVO“ d.o.o. Sarajevo, na 41. sjednici, održanoj dana 08.07.2025. god., donosi

**ODLUKU****I**

Za nabavku robe: Servis motornih vrata proizvođača HOERMANN, prihvata se ponuda ponuđača FESTA d.o.o. Krašev - Tešanj, broj: 02/12-06, zavedena na protokol J.P. Međunarodni aerodrom „SARAJEVO“ d.o.o. Sarajevo dana 20.06.2025. god., pod brojem: 06-2-25-1-280-38/25, s ponuđenom cijenom nabavke u iznosu od: 23.365,00 KM (dvadesettrihiljadetrinstotinešezdesetpet KM), bez PDV-a.

**II**

Izabrani ponuđač je, u roku od sedam radnih dana od dana prijema Obavijesti i ove Odluke o prihvatanju ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

**III**

Po proteku rokova za reviziju, uz prethodnu dostavu dokumentacije iz prethodne tačke, Naručilac će izabranom ponuđaču ponuditi zaključivanje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

**O b r a z l o ž e n j e**

Odlukom Uprave J.P. Međunarodni aerodrom „SARAJEVO“ d.o.o. Sarajevo, broj: 05-1-25-1-280-36/25 od 30.05.2025. god., poništen je postupak nabavke robe: Servis motornih vrata proizvođača HOERMANN iz razloga što u određenom krajnjem roku nije dostavljena nijedna ponuda, te je naloženo njegovo ponavljanje, i to istim metodom. U skladu sa naprijed navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 10.06.2025. godine na portalu javnih nabavki objavilo obavještenje o nabavci, broj: 246-7-1-387-3-122/25, a Rješenjem, broj: 05-1-25-1-280-37/25 od 18.06.2025. god., imenovana je Komisija za provođenje postupka. Do ostavljenog roka za predaju ponuda, 23.06.2025. god., na adresu Društva ponudu je dostavio jedino ponuđač FESTA d.o.o. Krašev - Tešanj. Na javnom otvaranju ponuda, održanom isti dan bez prisustva predstavnika ponuđača, pročitana je naziv ponuđača i ponuđena cijena od 23.965,00 KM. Nakon javnog otvaranja, Komisija se sastala radi detaljne analize ponude, kojom prilikom je konstatovala sljedeće:

Utvrđeno je postojanje računske greške u Aneksu II – Obrazac za cijenu ponude, konkretno u stavci broj 3.12 – Spojnica osovine i motora (639555) ili ekvivalent, 6 komada. Naime, u navedenoj stavci, kao ukupna cijena navedeno je 1.320,00 KM, iako prema unesenoj jediničnoj cijeni od 120,00 KM, ukupan iznos treba iznositi 720,00 KM. Slijedom navedenog, ponuđaču je dana 26.06.2025. godine upućen dopis – Zahtjev za potvrdu ispravke računske greške, u kojem je zatražena potvrda korigovanog iznosa ukupne cijene po stavci i ukupne cijene ponude bez PDV-a u iznosu od 23.365,00 KM, umjesto prvobitno naznačenih 23.965,00 KM. Ponuđač je, u skladu sa navedenim zahtjevom, dana 27.06.2025. godine dostavio potvrdu o prihvatanju korekcije.

Slijedom navedenog Komisija je utvrdila da ponuda ispunjava zahtijevano tenderskom dokumentacijom, te je shodno članu 65. stav (1) ZJN predložila da se ista proglasi formalno-pravno, tehnički i računski prihvatljivom.

S obzirom da je zaprimljena samo jedna prihvatljiva ponuda, nije bilo uslova da se održi e-aukcija, koja je bila predviđena u ovom postupku javne nabavke. S obzirom na sve naprijed navedeno, Komisija je utvrdila da je jedina prihvatljiva ponuda ponuđača FESTA d.o.o. Krašev - Tešanj, te je



|                |             |
|----------------|-------------|
| Vrsta dok.     | Izdavač     |
| <b>ODL</b>     | <b>5-01</b> |
| Strana: 2 od 2 |             |
| JAVNO          |             |

predložila Upravi Društva da se ugovor za predmetnu nabavku, u iznosu od 23.365,00 KM, bez PDV-a, dodijeli ovom ponuđaču.

Uprava Društva je na svojoj 41. sjednici, održanoj 08.07.2025. god., razmotrila Izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u Društvu, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.



**v.d. DIREKTOR-a**

Sanin Ramezić

Prilog: Zapisnik o pregledu i ocjeni ponuda;

**DOSTAVLJENO:**

1. Ponuđaču
2. Upravi Društva (orig.)
3. Sektoru za administrativnu podršku
  - Služba nabavke (orig.)
4. Služba za pravne poslove i protokol
5. a/a